

四庫全書

史部

欽定四庫全書

欽定續通志卷一百二十五

器服略四

鹵簿

旌旗附

後梁太祖開平二年十一月南郊禮儀使奏皇帝赴南郊法駕鹵簿自清遊隊已下諸將軍平巾幘人緋兩襜大口袴錦滕蛇銀隱起金帶刀弓箭飲飛執旗引駕三衛並武弁緋兩襜大口袴供奉官并武弁服色各一人

步從除文武官及尊駕士絳衣平巾幘餘並戎服近侍
導駕官引車從本縣令州府御史大夫朝服各乘輅車
前尊其引駕官員不總備車輅自中書令侍中以下則
公服內諸司使並常服

宋制鹵簿四等曰大駕曰法駕曰鸞駕曰黃麾仗大駕
之儀極盛郊祀藉田薦獻玉清昭應景靈宮用法駕
減三分之一泰山汾陰明堂則用之鸞駕又減半謁陵
封祀朝謁太清奏告玉清昭應宮用之黃麾仗又減於

鸞駕親征御樓省方還京太廟上冊用之太祖建隆四年將郊祀大禮使范質與鹵簿使張昭儀仗使劉溫叟同詳定大駕鹵簿之制執仗軍士悉衣五色畫衣以五行相生之色為次黑衣先之青衣次之赤黑白又次之乾德三年蜀平命左拾遺孫逢吉收蜀中法物其不中度者悉毀之後又改畫衣為繡衣謂之繡衣鹵簿其後郊祀皆用之太宗至道中令有司以絹畫為圖凡三幅中幅車輅六引及導駕官外兩幅儀衛藏秘閣凡仗內

自行事官排列職掌并捧日奉宸散手天武外步騎一
萬九千一百九十八人真宗咸平五年詔南郊儀仗引
駕官不得多帶從人大中祥符元年改小駕為鷹駕仁
宗時宋綬定鹵簿為圖記凡大駕用二萬六十一人皇
祐二年將享明堂鹵簿使奏法駕減大駕三分之一詔
禮官與兵部考正用萬有一千八十八人嘉祐二年祫
享用禮儀使奏南郊仗金吾上將軍六統軍左右千牛
皆服紫繡戎服珂佩騎而前節度使亦衣袴褶導駕如

舊例是月禮儀使奏南郊還禮當乘金輅而或詔乘大輦宜著於令常以大輦從神宗元豐元年更定大駕鹵簿儀仗仗下官一百四十六人執仗押引從軍員職掌諸軍諸司二萬二千二百二十一人徽宗政和七年兵部尚書蔣猷請取天聖鹵簿圖記更加考正高宗初至南京孟太君以乘輿服御及御輦儀仗來進倉卒渡江皆為金兵所焚後乃檢會舊儀始備黃麾仗慶冊親饗皆用焉孝宗隆興二年令有司條奏其可省者次年郊

祀用六千八百八十九人明堂用三千三百十九人孝宗乾道六年郊祀備五輅大安輦六象人數如舊後遂無所改定然宋初鹵簿本後唐長輿之制器物頗多疏略南渡後務為簡省亦多未備唯政和時所製為完美其政和大駕鹵簿之制象六分左右次六引開封金開封收大司樂少傅御史大夫兵部尚書次金吾燾稍左右皂纛各六押衙四人爆稍八本衛上將軍將軍各四人本衛大將軍二人爆稍四夾大將軍次朱雀旗隊金吾

衛折衝都尉一人引隊爆稍二夫都尉陳弩弓矢稍左
右金吾衛果毅都尉二人押隊次龍旗隊大將軍一人
檢校風伯雨師雷公電母旗各一五星旗五左右攝提
旗二北斗旗一次指南車記里鼓車白鷺車鸞旗車崇
德車皮軒車各一次金吾引駕騎本衛果毅都尉二人
儀刀弩弓矢稍次大毘府前部鼓吹令二人府史四人
管押指揮使一人陳柶鼓金鉦諸樂器次太史相風行
漏等輿太史令及令史各一人相風烏輿一交龍鉦鼓

各一司辰典事各一人

接宋史儀衛志於國初舊簿條內作典事於政和舊簿條內作

與士据新舊唐書及文獻通考載唐兩簿均作典事則宋志此條士字實誤今改正

漏刻生四人

鼓樓鐘樓行漏輿各一太史正一人清道二人十二神

輿一次持鈿前隊左右武衛果毅都尉二人引隊左右

武衛校尉二人絳引幡一左右金節十二罕畢各一朱

雀幢一又一導蓋青龍白虎幢各一又三隊長一人鈿

戟二百八十人左右武衛將軍二人檢校校尉四人押

隊次黃麾幡一次六軍儀仗左右神武軍羽林軍龍武

軍各有統軍二人都頭二人押仗本軍旗各一排欄旗
各二十更兵力士旗各五掩尾天馬旗二白柯槍五十
哥舒棒十鎧仗八次引駕旗天王旗二排仗通直官二
人押旗十二辰旗各一次龍墀旗天下太平旗一排仗
大將二人夾旗五方龍旗各一金鸞金鳳旗各一獅子
旗二君王萬歲旗一月月旗各一次御馬二十四為十
二重次中道隊大將軍一人檢杖次日月合璧旗一莛
文旗二五星連珠旗一祥雲旗二長壽幢二次金吾細

仗青龍白虎旗各一五獸神旗五方神旗五方龍旗五
方鳳旗各五次八寶分左右為四重香案八各以二列
於寶輿之前符寶郎一人碧欄二十四人次方繖二天
雉尾扇四次金吾四色官六人押仗二人次金甲二人
次太僕寺進馬四人次引駕千牛衛上將軍一人千牛
八人中郎將二人千牛二人次長史二人次金吾引駕
官四人次導駕官次繖扇輿輦大繖二中雉尾扇四腰
輿一小雉尾扇四應奉人員一人十將將虞候節級二

長行十六人排列官二人中雉尾扇十二華蓋二香盤
一小輿一道遙子一平輦一次駕前東第五班開道旗
一阜燾十二引駕六十二人鈞容直三百人五方色龍
旗五門旗四十御龍四直步執門於六十天武駕頭下
一十二人茶酒班執從物十一人御龍直仗劍六人天
武把行門八人麋旗一殿前班擊鞭十人簇輦龍旗八
日月麟鳳旗四青白赤黑龍旗各一御龍直四十人踏
路馬二夾輅大將軍二人進輅職掌二人部押二人教

馬官二人皇帝乘玉輅駕青馬六駕士一百二十八人
扶駕八人骨朶直一百三十四人行門三十五人分左
右陪乘將軍二人次奉宸隊御龍直左廂骨朶子直右
廂弓箭直弩直御龍四直並以遞班直所管人數列為
五重天武骨朶大劍三百一十次次駕後東第五班大
黃龍旗一鈎容直三十一人扇篋下天武二十人茶酒
班簇輦三十一人招箭班三十三人次副玉輅一駕青
馬六駕士四十人次大輦一掌輦四人應奉人員十二

人十將將虞候節級共十人長行三百五十五人尚輦
奉御二人殿中少監供奉職官二人令史四人書令史
四人次太次御馬二十四為十二重次持斂後隊左右
武衛旅帥二人次重輪旗二大纛二大雉尾扇四小雉
尾扇朱團扇各十二華蓋二义二毼晚十二御刀六真
武幢一絳麾二义一細稍十二次左右金吾衛果毅都
尉二人總領大角一百二十次大晨府後部鼓吹丞二
人典事四人管轄指揮使一人陳羽葆鼓拱宸簫管笛

諸樂器次黃麾幡一芳停輦一鳳輦一次金象草木四
輅並有副輅金輅踏路赤馬二正副各駕赤馬六駕士
六十人餘輅正副駕馬數同而色異象輅以赭白草輅
以駟木輅以黑駕士各四十人耕根車一駕青馬六駕
士四十人進賢車一駕士二十四人明遠車一駕士四
人次屬車十二乘每乘駕牛三駕士十人次門下中書
秘書殿中四省局官各二人次黃鐵車豹尾車各一各
駕赤馬二駕士十五人次掩後隊左右威衛折衝都尉

二人領隊大戟刀盾弓矢稍各五十次真武隊金吾衛
折衝都尉一人爆稍二仙童旗一真武旗一騰蛇神龜
旗各一稍二十五弓矢二十弩五其大駕外仗清游隊
次第六引外白澤旗二左右金吾衛折衝都尉二人弩
八弓矢三十二稍四十左右金吾各十六騎帥兵官二
人弩八弓矢稍各十二次仗飛隊左右金吾衛果毅都
尉二人分領虞侯仗飛四十八人鐵甲仗飛二十四人
次前隊仗左右領軍衛將軍二人檢校爆稍四仗又

分五隊第一百六十人第二八十人第三一百人第四
第五各八十人逐隊有帥兵官左右領軍衛左右威衛
左右武衛左右驍衛左右衛各四人次後隊受仗受叉
分五隊第一第二各八十人第三一百人第四八十人
第五百六十人帥兵官左右衛左右驍衛左右武衛左
右威衛左右領軍衛凡前後隊凡十二皆以都尉北旗
後盡鹵簿後隊次前部馬隊凡十二皆以都尉二人分
領第一前左右金吾衛折衝領角亢斗牛宿旗四弩十

弓矢二十四稍十第二代房女虛宿旗四第三心危宿
旗第四尾室宿旗各二以上四隊各以左右領軍衛果
毅領第五箕壁宿旗第六奎井宿旗各二各以左右威
衛折衝領第七婁鬼宿旗第八胃柳宿旗第九昂星宿
旗各二各以左右武衛果毅領第十畢張宿旗第十一
觜翼宿旗第十二參軫宿旗各二各以左右驍衛折衝
領弩弓稍人數同第一隊次步甲前隊凡十二左右
領軍衛將軍二人檢校爆稍四逐隊皆有都尉二人分

領第一第三各以左右領軍衛第五以左右威衛第七
以左右武衛第九以左右駢衛第十一以左右衛並折
衛第二第四各以左右領軍衛第六以左右威衛第八
以左右武衛第十以左右駢衛第十二以左右衛並果
毅內有鷓鴣玉馬三角獸黃鹿飛麟馱騏鸞麟馴象玉
兔辟邪等旗各二以序居都尉之後逐隊有弓矢刀盾
相間各六十人居旗之後次前部黃麾仗絳引幡二十
下分六部第一左右威衛第二左右領軍衛第三左右

威衛第四左右武衛第五左右驍衛第六左右衛諸部
各有殿中侍御史二人本衛大將軍二人檢校本衛折
衝都尉二人分領又各有帥兵官二十人龍頭竿六重
重各二十搗鼓三重重各二儀鎧五色幡小戟稍各一
重重各二十弓矢二重重各二十朱線滕絡盾并刀二
重重各二十次青龍白虎旗各一左右衛果毅都尉二
人分押旗及領後七十騎弩八弓矢二十二稍四十次
班劍儀刀隊左右衛將軍二人分領郎將二十四人左

右親衛勳衛各四人每衛班劍二百二十人諸翊衛左右衛六人頌儀刀四百八人左右駝衛二人頌儀刀一百三十六人左右武衛威衛領軍衛金吾衛各二次親勳散手駝衛翊衛隊左右衛供奉中郎將四人分領親勳翊衛四十八人左右衛郎將二人分領散手翊衛六十人左右駝衛郎將二人分領駝衛翊衛五十六人次左右駝衛翊衛三隊各有二人分領第一本衛大將軍第二本衛將軍第三本衛郎將花鳳飛黃吉利旗各二

分為三隊逐隊弩十弓矢二十稍四十次夾鼓隊凡六
逐隊都尉二人檢枚第一第四左右折衝第二第三第
五第六並左右衛果毅逐隊刀盾各六十人內第一第
四有寶符旗二次捧日隊逐引一人押二人人長行殿
侍二十八人旗頭三人槍手五人弓箭手二十人左右
廂天武約攔各一百五十五人次後部黃麾仗分六部
左右衛左右驍衛左右武衛左右威衛左右領軍衛左
右武衛部內殿中侍御史大將軍都尉帥兵官絳引幡

龍頭竿等並同前部次步甲後隊凡十二皆有都尉二人分領第一以左右衛第三以左右驍衛第五以左右武衛第七以左右衛第三以左右驍衛第五以領軍衛以上並果毅第二以左右衛第四以左右驍衛第六以左右武衛第八以左右威衛第十第十二各以左右領軍衛以上並折衝內有貌鷓鷄仙鹿金鷄鴟瑞麥孔雀野馬羗牛甘露綢子祥光翔鶴等旗各二以序居都尉之後逐隊有弓矢刀楯相間各六十人居旗之後次後

部馬隊凡十二皆以都尉二人分領第一第二各以左
右衛第五第六第七各以左右武衛第十第十一第十
二各以左右領軍衛並折衝第三第四各以左右驍衛
第八第九各以左右威衛並果毅內有角觶赤熊兜天
下太平馴犀鷄鷄驪騶牙蒼烏白狼龍馬金牛等旗
各二以序居都尉之後每隊弩十弓矢二十稍四十以
上鹵簿凡門有六中道門二第一門居日月合璧等旗
之後第二門居掩後隊之後各有金吾牙門旗四監門

校尉六人左右道門四第一居步甲前隊第六隊之後

第二居第十二隊之後第三居夾轂隊之後第四居步

甲後隊第六隊之後各有監門校尉四人

按宋史儀衛志載牙門旗

制併云左右道五門門二旗而於木條僅馭四門且步

甲前隊第六隊有門第十二隊又有門而步甲後隊祇

第六隊有門題史志夾轂一門及監門

其小駕減大駕

六引及象木草輅五副輅小輿小輦又減指南記里白

鷲鷹旗崇德皮軒耕根進賢明遠黃鉞豹尾屬車等十

二車餘並減大駕之半宋旌旗之制太祖創製錯繡諸

旗著於通禮其殿廷立仗旌旗正至五月一日御正殿
設青龍白虎旗各一五嶽旗五五星旗五五方龍旗二
十五五方鳳旗二十五紅門神旗二十八朱雀真武旗
各一阜纛十二各分左右以上天一太一旗各一攝提

金吾

旗二五辰旗五北斗旗一二十八宿旗各一風伯雨師
旗各一白澤馴象仙鹿玉兔馴犀金鸚鵡瑞麥孔雀野
馬駉牛旗各二日月合璧旗一五星連珠旗一雷公電
母旗各一軍公旗六黃鹿飛麟兕鬲牙白狼蒼烏辟邪

網子纛旗各二信幡二十二傳教告止幡各十二黃麾

二各分左右

以上
兵部

日旗月旗各一君王萬歲旗一天下

太平旗一獅子旗二金鸞金鳳旗各一五方龍旗各一

各分左右

以上
龍坪

龍君虎君旗各五赤豹黃熊旗各五小

黃龍旗一天馬旗一吏兵力士旗各五天王旗四太歲

旗十二天馬旗六排欄旗六十左右幡斨各五行行七

十五大黃龍旗二大神旗六各分左右

以上
六軍

遼鹵簿初用國仗其制甚簡十二神纛十二旗十三鼓

曲柄華蓋直柄華蓋太宗伐唐晉以前所用皆是物也。會同三年太宗在薊州觀導駕儀衛圍遂備法駕幸燕。自後御殿受朝備以為常。大同元年三月太宗將幸中京鎮陽詔收鹵簿法物委所司押領先往未幾鎮陽入漢鹵簿法物隨世宗歸於上京其儀仗步行擎執二千四百一十二人坐馬擎執二百七十五人坐馬樂人二百七十三人步行教坊人七十一人御馬牽攬官五十二人御馬二十六匹官僚馬牽攬官六十六人坐馬

挂甲人五百九十八人步行挂甲人一百六十人金甲
二人神輿十二人長壽仙一人諸職官等三百五人內
侍一人引稍押衙二人赤縣令一人府收一人府吏二
人少尹一人司錄一人功曹一人太常少卿一人丞一
人博士一人司徒一人太僕卿一人鴻臚卿一人大理
卿一人御史大夫一人侍御史二人殿中侍御史二人
監察御史一人兵部尚書一人侍郎一人郎中一人員
外郎一人符寶郎一人左右諸衛將軍三十五人左右

諸折衝二十一人左右諸果毅二十八人尚乘奉御二人排仗承直二人左右夾騎二人都頭六人主師四人押燾二人左右金吾四人虞候炊飛十六人鼓吹二人漏刻生二人押當官一人司天監一人令史一人司辰一人統軍六人千牛備身二人左右親勛二人左右郎將四人左右拾遺二人左右補闕二人起居舍人一人左右諫議大夫二人給事中書舍人二人左右散騎常侍二人門下侍郎二人鳴鞭二人侍鳴鞭二人侍

中一人中書令一人監門校尉二人排列官二人武衛
隊正一人隨駕諸司供奉官三十人三班供奉官六十
人通事舍人四人御史中丞二人乘黃丞二人都尉一
人太僕卿一人步行太卜令一人

紫太僕卿一人已見前據續文獻通考作

步行太僕令一人而無步行太卜令一人之文疑續通考訛卜為僕而此太僕卿一人五字即屬衍文考遼史太僕寺無稱今者而太卜令亦不著今仍其舊職官乘馬三百四匹進馬四

匹駕車馬二十八匹人之數凡四千二百三十有九馬
之數凡千五百二十

按遼史儀衛志載渤海仗天顯四年太宗幸遼陽府備乘輿羽衛乾

守五年聖宗東巡東京留守具儀衛迎車駕此故渤海儀衛也但史未詳其制或係用於一時故茲亦從畧云

金大駕鹵簿世宗大定三年祿享用黃麾仗三千人分四節第一節無縣令府牧即用黃麾前三部次前部鼓吹次金吾牙門旗次駕頭次引駕龍墀隊次天王十二辰等旗第二節黃麾第四第五部次君王萬歲日月旗次御馬內增控馬司圍挾馬司圍各一十六人次日月合璧五星連珠等旗次八寶內增執黑杖傳喝一十八人在香案前次七寶輦第三節黃麾後第一第二部

次玉輅次栲橈隊次導駕門仗官第四節黃麾後第三
第四第五部次金輅次牙門旗次後部鼓吹大定六年
九月西京還都用黃麾仗二千五百四十二人騎七百
六十二匹分四節第一節攝官五十四人執擎三百二
人樂工一百七十人第二節攝官三十二人執擎三百
七十六人第三節仗內攝官四十四人導駕官四十二
人門仗官一百人玉輅青馬八駕士一百四十人護駕
栲橈隊五百人執擎二百四十二人第四節攝官五十

人金輅赤馬八駕士九十四人控鶴二十二人樂工八十四人執擎二百九十人大定十一年將有事於南郊朝享太廟右丞石琚奏其禮帝謂祭天在誠不在儀仗之盛減半用之於是遞增損黃麾仗為大駕鹵簿凡用七千人分八節第一節第一引七十人縣令第二引二百六十四人府牧第三引二百二十九人御史大夫名色與府牧同頗損其數而增行止旗一第二節金吾皂纛旗一十二人朱雀隊三十四人指南記里鼓車皆五

十二人鸞旗車一十八人前部鼓吹一百二十九人清
游隊七十二人內白澤旗二旗五人折衝都尉二人弩
六弓矢二十四稍三十飲飛隊四十八人內果毅都尉
二虞候飲飛三十人鐵甲飲飛一十六人前部馬隊第
一隊六十四人第二第三隊皆六十人第四第五隊皆
五十八人戈叉仗五十四人內帥兵官二人戈叉各二
十六行止旗一第三節前部鼓吹第二三百六十九人
前步甲隊第一至第五隊皆四十二人牙門旗二十人

黃麾前第一部一百五十人第二部一百二十人戈叉
仗五十八人行止旗一第四節黃麾幡三人六軍儀仗
二百二十六人御馬三十三人黃麾前第三至第五部
皆一百二十人青龍白虎隊五十二人戈叉仗五十六
人行止旗一第五節八寶二百三十二人平頭輦三十
人七寶輦四十二人班劍儀刀隊二百人內將軍二人
折衝都尉二人班劍儀刀各九十八驍衛翊衛隊六十
人內供奉郎將二人鳳旗二旗五人弩弓矢稍皆一十

六夾轂隊第一隊九十二人內折衝都尉二人寶符旗
三旗五人朱鑿甲刀盾八十第二隊八十二人內果毅
都尉二人飛黃旗二旗五人銀褐鑿甲刀盾七十第三
隊八十二人內果毅都尉二人吉利旗二旗五人皐鑿
甲刀盾七十又伏五十六人行止旗一第六節馬步
門旗隊一百人駕頭一十五人廣武官茶酒班執從物
者二十三人御龍直四十人內人員二玉路一百五十
一人栲栳隊五百人內金槍隊一百二十六人分左右

人員十八長行一百八人銀槍隊一百二十六人人員
十八長行一百八人弓箭直步隊一百二十四人人員
四長行一百二十人骨朶直步隊一百二十四人人員
四長行一百二十人金吾牙門旗二十人黃麾後第一
部一百五十人第二部一百二十人皮叉仗五十二人
行止旗一第七節扇篋二十五人金輅九十四人大安
輦一百八十一人內尚輦奉御二人殿中少監二人奉
職官二人令史四人書令史四人掌輦四人人員十二

皐士一百五十人御馬三十人持鈇隊鈇隊三十九人
後部鼓吹一百六十人黃麾後第三至第五部皆一百
二十人後步甲隊第一至第二隊皆四十二人及叉仗
五十六人行止旗一第八節後部鼓吹第二一百四十
人象輅葦車木輅皆五十人進賢車二十六人豹尾車
一十八人屬車八十人元武隊六十一人後步甲隊第
三至第五隊皆四十二人金吾牙門旗二十人後部馬
隊第一隊七十六人第二隊六十四人第三隊六十人

父又伏六十人行止旗一殿庭內伏旌旗左行自北西
向列黃麾攝一首右行東向者同面北第一行牙門旗

八第二行

不列旗

第三行長壽幢一次東五方龍旗十五

次西五方鳳旗十五第四行自內而東青龍旗五紅龍
旗二十自內而西青龍旗五紅龍旗二十第五行同上
又君王萬歲旗一居中日旗一在左月旗一在右第六
行自內而東天下太平旗莖文旗日月合璧旗莖文旗
青龍旗赤龍旗河瀆旗江瀆旗各一未午巳辰卯寅旗

各一青天王旗白天王旗各一自內而西祥雲旗五星
連珠旗祥雲旗黃龍旗白龍旗黑龍旗淮瀆旗濟瀆旗
各一申酉戌亥子丑旗各一排天王旗阜天王旗各一
第七行自內而東孔雀旗一蒼鳥旗兕旗犛牛旗驍騶
旗赤熊旗白狼旗金鸚鵡旗馴犀旗角觶旗鷓鴣旗騶
牙旗野馬旗瑞麥旗甘露旗各一自內而西者同外仗
左邊西向自北列絳引幡五首右邊東向者同左五行
從北每大旗一均用小紅龍旗二間之角亢氏房心尾

箕斗牛宿旗均用二女宿旗一紅龍并黃排欄旗各一
虛宿旗一黃紅排欄旗二危宿旗一紅紫排欄旗二室
宿旗一紫黃排欄旗二壁宿旗一黃紅排欄旗二重輪
旗一紅紫排欄旗二左攝提旗一紫黃排欄旗二青龍
旗一黃紅排欄旗二木星旗一紅紫排欄旗二火星旗
一紫黃排欄旗二土星旗一黃紅排欄旗二金星旗一

紅紫排欄旗二水星旗一紫排欄并吏兵旗各一

按諸
排欄

旗皆以二小旗夾一大旗以黃紅紫紫黃為次如上
云黃排欄者下則當云黃紅次則云紅紫次則云紫黃

次則又云黃紅舊文間為
紊亂今悉正之右行做此

北嶽旗一吏兵并龍君旗各

一東嶽旗一龍君并黃熊旗各一中嶽旗一黃熊并赤

豹旗各一西嶽旗一赤豹并力士旗各一南嶽旗一力

士并虎君旗各一朱雀旗一虎君并天馬旗各一右五

行奎婁胃昂畢觜參井鬼宿旗均用二旗如前柳宿旗

一紅龍并黃排欄旗各一星宿旗一黃紅排欄旗二張

宿旗一紅紫排欄旗二翼宿旗一紫黃排欄旗二軫宿

旗一黃紅排欄旗二重輪旗一紅紫排欄旗二右攝提

旗一紫黃排欄旗二白虎旗二南紅排欄旗二東方神
旗一紅紫排欄旗二西方神旗一紫黃排欄旗二中央
神旗一黃紅排欄旗二西方神旗一紅紫排欄旗二北
方神旗一紫排欄并力士旗各一風伯旗一力士并虎
君旗各一兩師旗一虎君并黃熊旗二雷公旗一黃熊
并赤豹旗二電母旗一赤豹并吏部旗二北斗旗一吏
兵并龍君旗二元武旗一龍君并天馬旗二黃麾內仗
左行西向自北列黃麾搨一首右行東向同面北第一

行長壽幢一居中牙門旗八分左右第二行君王萬歲
旗居中日旗在左月旗在右第三行五方龍旗十五五
方鳳旗十五第四行紅龍旗三十四第五行紅龍旗三
十四皆分左右第六行自內而東太平莖文合璧莖文
赤馬青龍旗未午巳辰卯寅旗青天王旗白天王旗各
一自內而西祥雲連珠科雲黃龍白龍黑龍旗申酉戌
亥子丑旗緋天王旗阜天王旗各一第七行自內而東
河濱江濱兕赤熊馴犀角觶鵠鷄網子旗各一自內而

西淮瀆濟瀆兕赤熊馴犀角觶鷓鴣網子旗各一外仗
左邊西向自北列絳引播五首右邊東向亦同左三行
從北角亢氏房心尾箕斗牛女虛危室壁旗各一次重
輪旗左攝提旗青龍旗各一木火土金水星旗各一北
東中南西嶽旗各一次紫排欄四黃排欄四紅排欄四
吏兵旗二天馬旗一右三行從北奎婁胃昂畢觜參井
鬼柳星張翼軫旗各一次重輪旗右攝提旗白虎旗各
一東南中西北方神旗各一風伯雨師雷公電母北斗

旗各一次紫排欄四黃排欄四紅排欄四吏兵旗二天
馬旗一

欽定續通志卷一百二十五

欽定四庫全書

欽定續通志卷一百二十六

器服畧

五

鹵簿

旌旗附

元崇天鹵簿中道頓遞隊象六飾以金裝蓮座香寶鞍
韉鞦轡扇勒犛牛尾拂跋塵鉸具導者六人馭者南越
軍六人次駝鼓九飾駝以鍍金鉸具轡飾扇籠旗鼓纓
槍馭者九人次舍人二人次青衣二人次清道官四人

次信幡二執者二人引護者四次騾鼓六飾騾以鍍
金鉸具轡扇籠旗鼓纓槍馭者六人次告止幡二執者
二人引護者四次傳教幡二執者二人引護者四人
次橋道頓遞使一人舍人清道官橋道頓遞使從者凡
七人纛稍隊金吾將軍二人次弩而騎者五次稍而
騎者五次纛一執者一人夾者四人護者二人押纛
官二人次馬鼓四飾如騾鼓馭者四次佩弓矢而騎
者五人押衙四人爆稍者四次控馬八人次稍而騎者

五人金吾將軍押纛官從者凡四人朱雀隊舍人一人
次朱雀旗一執者一人引護者四人次金吾折衝一人
帥甲騎凡二十有五弩五人次弓五人次稍五人次弓
五人次稍五人舍人金吾折衝從者凡二人十二旗隊
舍人一人金吾果毅二人帥引旗騎士五次風伯旗左
雨師旗右雷公旗左電母旗右執者四人次五星旗五
執者五人次北斗旗一執者一人左右攝提旗二執者
二人執副竿者二人執稍而護者五人舍人金吾果毅

從者凡三人門旗隊舍人二人監門將軍二次門旗
二執者二人引護者四次監門校尉二次鸞旗一
執者一人引護者四人舍人監門將軍監門校尉從者
凡六人雲和樂雲和署令二人前行樂工十有六人次
樂工百七十有二人雲和署令從者二人殿中黃麾隊
舍人二人殿中侍御史二次黃麾一執者一人夾者
二人舍人殿中侍御史從者凡四人太史鉦鼓隊太史
一人交龍柶鼓左金鉦右舁者四人工二次司辰郎

一人左典事一人右太史司辰郎典事從者凡三人武衛釵戟隊武衛將軍一人領五色繡幡一金節八罕右畢左朱雀青龍白虎幢三橫布導蓋一中道叉四武衛果毅二人釵二十戟二十徒五十有九人武衛將軍武衛果毅從者凡三人龍墀旗隊舍人二人中郎將二人帥騎士凡二十有四人執旗者八人天下太平旗中道中嶽帝旗左中央神旗右次日旗左月旗右次祥雲旗二分左右次皇帝萬歲旗中道引者八人護者八人舍

人中郎將從者凡四人御馬隊舍人二人左右衛將軍
二人御馬十有二匹馭士控鶴二十有四人次尚垂奉
御二人舍人左右衛將軍從者凡四人拱衛控鶴第一
隊拱衛指揮使二人帥步士凡二百五十有二人負劍
者三十人次執吾杖者五十人次執斧者五十人次執
鐙杖者六十人次執列絲骨朶者三十人次攜金水瓶
者一人左金盆者一人右次執列絲骨朶者三十人拱
衛指揮使從者二人安和樂安和署令二人領押職二

人次樂工二十有四人安和署令從者二人金吾援寶
隊舍人二人金吾將軍二人馬十二重甲士一十二騎
弩四次弓四次稍四為三重次香案二金爐合各二舁
士十有六人侍香二人次典瑞使二人引八寶受命寶
左傳國寶右次天子之寶左皇帝之寶右次天子行寶
左皇帝行寶右次天子信寶左皇帝信寶右舁士八人
朱團扇四人凡九十有六人援寶三十人次符寶郎二
人次金吾果毅二人次稍四次弓四次弩四為三重舍

人金吾將軍侍香典瑞使符寶郎金吾果毅從者凡十
有二人殿中繖扇隊舍人二人騎而執旗者四人日月
合璧旗左五星連珠旗右次金龍旗左金鳳旗右騎而
引旗者四人騎而護旗者四人次朱團扇十有六次小
雉扇八次中雉扇八次大雉扇八為十重重四人次曲
蓋二次紅方繖二次紫方繖二次華蓋二次大繖二執
者五十人舍人從者二人控鶴圍子隊圍子頭一人執
骨朶由中道領執圍子十有六人次朱繖中道次金脚

踏左金椅右拱衛指揮使一人控鶴二十人拱衛指揮

使從者一人天樂一部天樂署令二人領押職二人次

樂工十有八人徒二人

按武衛釵戟隊載徒五十有九人後黃麾隊載徒三人皆係執

幡節幢麾等仗與步兵卒例同若樂部則樂工之外不須用徒惟據雲和安和署令皆有從者而本條失載疑此徒二人或即從者二人之訛耳控鶴第二隊僉拱衛司事二人帥步

士凡七十有四人執立瓜者三十有六人次捧金杙一

人左鞭桶一人右次蒙鞍一人左繖手一人右次執立

瓜者三十有四人僉拱衛司事從者二人殿中導從隊

舍人二人香鐙案一黃銷金盤龍衣金鑪合結綬龍頭
竿鼻者十有二人侍香二人次警蹕三人次舍人二人
天武官二人執金鉞次金骨朶二次幢二次節二次金
水盆左金椅右次蒙複左副執椅右次金水瓶鹿盧左
銷金淨巾右次金香毬二金香合二次金唾壺左金唾
盂右金拂四扇十次黃繖中道繖衣從凡騎士三十人
步卒四人舍人天武官從者凡六人控鶴第三隊拱衛
直鈐轄二人執卧瓜八十人

按控鶴第一隊第二隊領
隊官皆有從者而此第三

隊失載疑係
史文脫漏

導駕官引進使二人次給事中一人左起

居注一人右侍御史一人左殿中侍御史一人右次翰林學士一人左集賢學士一人右次御史中丞一人左同知樞密院事一人右次御史大夫一人左知樞密院事一人右次侍儀使四人中書侍郎二人黃門侍郎二人侍中二人次儀仗使一人左鹵簿使一人右次禮儀使二人持劈正斧一人中道次大禮使一人左太尉一人右從者三十人惟執劈正斧官從者二人羽林宿衛

舍人二人次羽林將軍二人領宿衛騎士二十人執骨
梁六人次執短戟六人次執斧八人舍人羽林將軍從
者凡四人檢校官頓遞隊監察御史二人次轟稍隊循
仗檢校官二人次朱雀隊金吾中郎將二人次十二旗
隊兵部侍郎二人次門旗隊糾察儀仗官二人次雲和
樂部金吾將軍二人知隊仗官二人次武衛釵戟隊監
察御史二人次外道左右牙門巡仗監門中郎將二人
次金吾援寶隊兵部尚書二人次循仗檢校官二人次

殿中繖扇隊監察御史二次禮部尚書二次圍子
隊知隊仗官二次金吾大將軍二次殿中導從隊
糾察儀仗官二次循仗檢校官二次羽林宿衛隊
左點檢一人左右檢點一人右領大黃龍負圖旗二執
者二人夾者八人控鶴外外仗內前後檢校仗內知班
六人承奉班都知一人太常博士一人前後巡察宿直
將軍八人夾輅檢校三衛陪輅隊誕馬二匹乘黃令二
人次殿前將軍二人玉輅太僕卿馭千牛大將軍驂乘

左右衛將軍陪輅輅馬六匹步卒凡八十有二人馭士
四人駕士六十有四人行馬二人踏道八人推竿二人
托叉梯各一人教馬官二人進輅職長二人夾輅將軍
二人青漜水扇二次千牛備身二人獻官二人殿中監
六人內侍十人千牛備身後騎而執弓矢者十人尚衣
奉御四人尚食奉御二人尚藥奉御二人次腰輿黃紵
絲銷金雲龍蒙複步卒凡十有三人鼻八人道扇四人
黃繖一人尚舍奉御二人尚輦奉御二人從者三十有

四人大神牙門旗隊都點檢一人次監門大將軍二人
門凡三重親衛郎將帥甲士分左右夾輅而陣繞出輅
後合執斃者二為第一門翊衛郎將帥護尉夾親衛而
陣繞出輅後合為第二門監門校尉二人左右衛大將
軍帥騎士執五色龍鳳旗夾護尉而陣繞出輅後合牙
門旗二為第三門監門校尉二人王之雲和樂後部雲
和署丞二人領前行樂工十人次樂工四十人雲和署
丞從者二人後黃麾隊玄武幢一絳麾二徒三人次黃

麾執者一人夾者二人豹尾一執者一人夾者二人玄
武黑甲掩後隊金吾將軍一人後衛指揮使二人帥甲
騎五十有七人玄武旗一執者一人夾者二人小金龍
鳳黑旗二執者二人稍四十人弩十人執衛司爆稍二
人金吾將軍後衛指揮使從者三人其外仗金鼓隊金
鼓旗二執者二人引護者八人次折衝都尉二人帥步
士凡百二十人鼓鉦皆二十四人角二十四人車輻棒
長刀皆二十四人清遊隊舍人二人金吾折衝二人帥

步士凡百有十人白澤旗二執者二人引護者八人次
執弩次執稍次執弓次執稍次執弓並二十人伙飛隊

鐵甲伙飛執稍者十有二人次金吾果毅二人次虞候

伙飛執弩二十人

按前後各隊領隊官皆有從者而此
上金鼓清遊伙飛三隊失載疑係史

文脫
漏

及仗前隊領軍將軍二人帥步士五十人執及執

叉並二十五人領軍將軍從者二人諸衛馬前隊舍人

二人左右衛郎將二人帥騎士百五十有六人前辟邪

旗應龍旗次玉馬旗三角旗次黃龍負圖旗黃鹿旗次

飛麟旗馱馱旗次鸞旗鳳旗次飛黃旗麒麟旗並分左右執旗十有二人引旗十有二人護旗十有二人執弓六十人執稍六十人每旗弓五稍五舍人左右衛郎將從者四人二十八宿前隊舍人二人領軍將軍二人帥步士百十有二人井鬼柳星張翼軫旗在左參甯畢昴胃婁奎旗在右執旗十有四人引旗十有四人護旗十有四人從以執刀盾者三十人弓矢者二十人攢者二十人舍人領軍將軍從者四人左右領軍黃麾仗前隊

舍人二人領軍將軍二人帥步士凡一百五十人絳引
幡十次龍頭竿繡氅十皆分左右次江濱旗左濟濱旗
右次小戟十次弓十皆分左右次南方神旗左西方神
旗右次鏗十次綠滕絡盾加刀十皆分左右次南嶽帝
旗左西嶽帝旗右次龍頭竿氅十次朱滕絡盾加刀十
皆分左右次南天王旗左西天王旗右次小戟十次弓
十皆分左右次龍君旗左虎君旗右次鏗十次綠滕絡
盾加刀十皆分左右執者百三十人引旗十人護旗十

人受仗後隊領軍將軍二人帥步士五十人執受執義

並二十五人

按受仗前隊領隊官有從者黃麾仗後隊領隊官亦有從者而此上黃麾仗前隊及

受仗後隊二條失載疑係史文脫漏

左右牙門旗隊監門將軍二人次牙

門旗四每旗執者一人引夾者二人次監門校尉二人

從者四人左右青龍白虎隊舍人二人領軍將軍二人

帥甲士凡五十有六人青龍旗左執者一人夾者二人

從以執弩五人弓十人稍十人白虎旗右執者一人夾

者二人從以執弩五人弓十人稍十人舍人領軍將軍

從者四人二十八宿後隊舍人二人領軍將軍二人帥
步士百十有二人角亢氐房心尾箕旗在左壁室危虛
女牛斗旗在右執旗凡十四人引者護者並十四人從
以弓矢三十人攢盾並二十人舍人領軍將軍從者四
人諸衛馬後隊舍人二人左右衛果毅都尉二人帥衛
士百五十有六人前角觜旗赤熊旗次兕旗太平旗次
驪騶旗騶牙旗次犀牛旗鷄鵠旗次蒼烏旗白狼旗次
龍馬旗金牛旗執夾引護並同前隊舍人左右衛果毅

都尉從者四人左右領軍黃麾仗後隊舍人二人領軍
將軍二人帥步士百六十人龍頭竿鼉十次朱滕絡盾
加刀十皆分左右次吏兵旗左力士旗右次小戟十次
弓十皆分左右次東天王旗左北天王旗右次鏗十次
綠滕絡盾加刀十皆分左右次東嶽帝旗左北嶽帝旗
右次龍頭竿鼉十次朱滕絡盾加刀十皆分左右次東
方神旗左北方神旗右次小戟十次弓十皆分左右次
淮瀆旗左河瀆旗右次鏗十次綠滕絡盾加刀十皆分

左右執者百三十人引旗護旗並十人次絳引幡十掩
後舍人領軍將軍從者四人左右衛儀刀班劍隊舍人
二人左右衛中郎將二人帥步士凡四十人班劍二十
人儀刀二十人舍人左右衛中郎將從者四人供奉
宿衛步士隊供奉中郎將二人帥步士凡五十有二
人執短戟十有二次執列絲十有二次叉戟十
有二次斧十有六人親衛甲士隊親衛郎將二人
帥步士凡百四十有八人執龍頭竿斃四人次小戟

十人次斃二人次儀鎧十人次斃二人次小戟十人次
斃二人次儀鎧十人次斃二人次小戟十人次斃二人
次儀鎧十人次斃二人次小戟十人次斃二人次儀鎧
十人次斃二人次小戟十人夾供奉宿衛隊次斃二人
次儀鎧十人次斃二人次小戟十人次斃二人次儀鎧
十人次斃二人折繞宿衛隊後而合其端為第一門翊
衛護尉隊翊衛郎將二人帥護尉騎士百有二人執金
裝骨朵分左右夾親衛隊行折繞隊後而合其端為第

二門左右衛甲騎隊左右衛大將軍二人帥騎士百人
執青龍旗五人青鳳旗五人次赤龍旗五人赤鳳旗五
人次黃龍旗五人黃鳳旗五人次白龍旗五人白鳳旗
五人次黑龍旗五人黑鳳旗五人次五色龍旗二十五
五色龍旗二十五曲繞輅後合牙門旗為第三門左衛
青甲隊左衛指揮使二人帥騎士三十有八人執大青
龍旗二人大青鳳旗二人小青龍旗二人小青鳳旗二
人從以持青稍者三十人

按後赤甲黃甲白甲三隊領
隊官皆有從者惟此青甲隊

失載疑係
史文脫漏

折繞陪門前衛赤甲隊前衛指揮使二人帥
騎士凡四十有八人執大赤鳳旗三人大赤龍旗三人
小赤鳳旗二人小赤龍旗二人從以持朱稍者三十有
八人從者二人折繞陪門中衛黃甲隊中衛指揮使二
人帥騎士凡五十有八人執大黃龍旗三人大黃鳳旗
三人小黃龍旗三人小黃鳳旗三人從以持黃稍者四
十有六人從者二人折繞陪門右衛白甲隊右衛指揮
使二人帥騎士凡七十有四人執大白鳳旗四人大白

龍旗四人小白鳳旗三人小白龍旗三人從以持白稍者六十人從者二人折繞陪門牙門四監門中郎將二人次左衛次前衛次中衛次右衛牙門旗各二色並赤監門校尉各二人從者十人儀衛旌旗殿下黃麾仗凡四百四十有八人分布於丹墀左右各五行右前列執大蓋二人執華蓋二人執紫方蓋二人執紅方蓋二人執曲蓋二人次二列執朱團扇八人執大雉扇八人執中雉扇八人執小雉扇八人執朱團扇八人次三列執

黃麾幡十人執絳引幡十人執信幡十人執傳教幡十人執告止幡十人次四列執葆蓋四十人執儀鎗斧四十人執小戟飛龍掌四十人左列亦如之皆以北為上押仗四人行視仗內而檢校之殿下旗仗執護後屏凡五百二十有八人分左右左前列建天下太平旗第一牙門旗第二每旗執者一人護者四人後屏五人左二列日旗第三龍君旗第四每旗執者一人護者四人後屏五人右前列建皇帝萬歲旗第一牙門旗第二每旗

執者一人護者四人後屏五人右二列月旗第三虎君
旗第四每旗執者一人護者四人後屏五人左次三列
青龍旗第五執者一人護者二人後屏五人天王旗第
六執者一人護者二人後屏五人風伯旗第七執者一
人護者二人後屏五人雨師旗第八執者一人護者二
人後屏五人雷公旗第九執者一人護者二人後屏五
人電母旗第十執者一人護者二人後屏五人吏兵旗
第十一執者一人護者二人後屏五人右次三列白虎

旗第五執者一人護者二人後屏五人天王旗第六執

者一人護者二人後屏五人

按元史輿服志於白虎旗第五條下脫天王旗第六

執護後屏一條今依左次三列增纂

江瀆旗第七執者一人護者二人後

屏五人河瀆旗第八執者一人護者二人後屏五人淮

瀆旗第九執者一人護者二人後屏五人濟瀆旗第十

執者一人護者二人後屏五人力士旗第十一執者一

人護者二人後屏五人二十二旗內拱衛直指揮使二

人分左右立執玉斧次臥瓜一列次立瓜一列次列絲

一列次鐙仗一列次吾仗一列次班劍一列並分左右
立左次四列朱雀旗第十二執者一人護者二人後屏
五人木星旗第十三執者一人護者二人後屏五人熒
惑旗第十四執者一人護者二人後屏五人土星旗第
十五執者一人護者二人後屏五人太白旗第十六執
者一人護者二人後屏五人水星旗第十七執者一人
護者二人後屏五人鸞旗第十八執者一人護者二人
後屏五人右次四列玄武旗第十二執者一人護者二

人後屏五人東嶽旗第十三執者一人護者二人後屏
五人南嶽旗第十四執者一人護者二人後屏五人中
嶽旗第十五執者一人護者二人後屏五人西嶽旗第
十六執者一人護者二人後屏五人北嶽旗第十七執
者一人護者二人後屏五人麟旗第十八執者一人護
者二人後屏五人左次五列角宿旗第十九亢宿旗第
二十氐宿旗第二十一房宿旗第二十二心宿旗第二
十三尾宿旗第二十四箕宿旗第二十五每旗執者一

人護者二人後屏五人右次五列奎宿旗第十九婁宿
旗第二十胃宿旗第二十一昂宿旗第二十二畢宿旗
第二十三觜宿旗第二十四參宿旗第二十五每旗執
者一人護者二人後屏五人左次六列斗宿旗第二十
六牛宿旗第二十七女宿旗第二十八虛宿旗第二十
九危宿旗第三十室宿旗第三十一壁宿旗第三十二
每旗執者一人護者二人後屏五人右次六列井宿旗
第二十六鬼宿旗第二十七柳宿旗第二十八星宿旗

第二十九張宿旗第三十翼宿旗第三十一軫宿旗第三十二每旗執者一人護者二人後屏五人凡執者佩劍護者佩劍加弓矢後屏執稍左右列皆如之

明制皇帝儀仗吳元年十二月中書左相國李善長率禮官以即位禮儀進是日清晨拱衛司陳設鹵簿列甲士於午門外之東西列旗仗於奉天門外之東西龍旗十二分左右用甲士十二人北斗旗一纛一居前豹尾一居後俱用甲士三人虎豹各二馴象六分左右布旗

六十四門旗日旗月旗青龍白虎風雲雷雨江河淮濟
旗天馬天祿白澤朱雀玄武等旗木火土金水五星旗

五嶽旗熊旗鸞旗

按下洪武元年十月定元旦朝賀儀
載奉天門外左右布旗六十四左行

內列熊旗鸞旗右行內列羆旗麟旗而此處
獨缺羆麟二旗史文脫漏係沿明會典之訛

及二十八

宿旗各六行每旗用甲士五人內一人執旗旗下四人
執弓弩設五輅於奉天門外玉輅居中左金輅次革輅
右象輅次木輅俱並列丹墀左右布黃麾仗黃蓋華蓋
曲蓋紫方纒紅方纒雉扇朱團扇羽葆幢豹尾龍頭竿

信幡傳教幡告止幡絳引幡戟斨戈斨儀鎗斨等各三
行丹陛左右陳幢節響節金節燭籠青龍白虎幢班劍
吾杖立瓜臥瓜儀刀鐙杖戟骨朶朱雀玄武幢等各三
行殿門左右設圓蓋一金交椅金脚踏金水盆金水罐
團黃扇紅扇皆校尉擎執太祖洪武元年十月定元旦
朝賀儀金吾衛於奉天門外分設旗幟宿衛於午門外
分設兵仗衛尉寺於奉天殿門及丹陛丹墀設黃麾仗
內使監擎執於殿上凡遇冬至聖節冊拜親王及蕃使

來朝儀俱同其宣詔赦降香則惟設奉天殿門及丹陛儀仗殿上擎執云其陳布次第午門外刀盾及叉各置於東西甲士用赤奉天門外中道金吾宿衛二衛設龍旗十二分左右用青甲士十二人北斗旗一纛一居前豹尾一居後俱用黑甲士三人虎豹各二馴象六分左右左右布旗六十四左前第一行門旗二每旗用紅甲士五人內一人執旗旗下四人執弓箭第二行月旗一用白甲士五人內一人執旗旗下四人執弩青龍旗一

用青甲士五人內一人執旗旗下四人執弩第三行風
雲雷雨旗各一每旗用黑甲士五人內一人執旗旗下
四人執弓箭天馬白澤朱雀旗各一每旗用紅甲士五
人內一人執旗旗下四人執弓箭第四行木火土金水
五星旗各一隨其方之色每旗用甲士五人內一人執
旗旗下四人執弩其甲木青火紅土黃金白水黑熊旗
鸞旗各一每旗用紅甲士五人內一人執旗旗下四人
執弩第五行角亢氐房心尾箕旗各一每旗用青甲士

五人內一人執旗旗下四人執弓箭第六行斗牛女虛
危室壁旗各一每旗用青甲士五人內一人執旗旗下
四人執弩右前第一行門旗二每旗用紅甲士五人內
一人執旗旗下四人執弓箭第二行日旗一用紅甲士
五人內一人執旗旗下四人執弩白虎旗一用白甲士
五人內一人執旗旗下四人執弩第三行江河淮濟旗
各一隨其方之色每旗用甲士五人內一人執旗旗下
四人執弓箭其甲江紅河白淮青濟黑天祿白澤玄武

旗各一每旗用甲士五人內一人執旗旗下四人執弓
箭天祿白澤紅甲玄武黑甲第四行東南中西北五嶽
旗各一隨其方之色每旗用甲士五人內一人執旗旗
下四人執弩其甲東嶽青南嶽紅中嶽黃西嶽白北嶽
黑龍旗麟旗各一每旗用紅甲士五人內一人執旗旗
下四人執弩第五行奎婁胃昂畢觜參旗各一每旗用
青甲士五人內一人執旗旗下四人執弓箭第六行井
鬼柳星張翼軫旗各一每旗用青甲士五人內一人執

旗旗下四人執弩奉天門外拱衛司設五輅玉輅居中
左金輅次革輅右象輅次木輅俱並列典牧所設乘馬
於文武樓之南各三東西相向丹墀左右布黃麾仗凡
九十分左右各三行左前第一行十五黃蓋一紅大繖
二華蓋一曲蓋一紫方繖一紅方繖一雉扇四朱團扇
四第二行十五羽葆幢二豹尾二龍頭竿二信幡二傳
教幡二告止幡二絳引幡二黃麾一第三行十五戟麾五
戈麾五儀鎗麾五右前第一行十五黃蓋一紅大繖二華

蓋一曲蓋一紫方纈一紅方纈一雉扇四朱團扇四第
二行十五羽葆幢二豹尾二龍頭竿二信幡二傳教幡
二告止幡二絳引幡二黃麾一第三行十五戟斨五戈
斨五儀鎗斨五皆校尉擎執丹陛左右拱衛司陳幢節
等仗分左右為四行左前第一行響節十二金節三燭
籠三第二行青龍幢一班劍三吾杖三立瓜三臥瓜三
儀刀三鐙杖三戟三骨朵三朱雀幢一右前第一行響
節十二金節三燭籠三第二行白虎幢一班劍三吾杖

三盃瓜三臥瓜三儀刀三鐙杖三戟三骨朵三玄武幢
一皆校尉擎執奉天殿門左右拱衛司陳設左行圓蓋
一金脚踏一金水盆一團黃扇三紅扇三右行圓蓋一
金交椅一金水罐一團黃扇三紅扇三皆校尉擎執殿
上左右內使監陳設左拂子二金唾壺一金香合一右
拂子二金唾盃一金香爐一皆內使擎執和聲郎陳樂
於丹墀文武官拜位之南十二年禮部奏增設丹墀儀
仗黃繖華蓋曲蓋紫方繖紅方繖各二堆扇紅團扇各

四羽葆幢龍頭竿絳引傳教告止信幡各六戰髦戈斝
鎧髦各十成祖永樂三年增定儀仗肅靖旗二金鼓旗
二金龍畫角二十四鼓四十八金四金鈺四杖鼓四笛
四板四白澤旗二門旗八黃旗四十金龍旗十二日月
旗二風雲雷雨旗四木火金水土星旗五列宿旗二十
八北斗旗一東嶽旗一南嶽旗一中嶽旗一西嶽旗一北
嶽旗一江河淮濟旗四青龍旗一白虎旗一朱雀旗一
玄武旗一天鹿旗一天馬旗一鸞旗一麟旗一熊旗一

黑旗一紅纛二皂纛二紅節二小銅角二大銅角二纓
頭一豹尾一麾一戲竹二簫十二笙十二龍笛十二頭
管十二方響四簋八琵琶八箜篌八杖鼓三十六板四
大鼓二弓矢百御杖六十誕馬二十四領頭十二黃麾
二絳引幡十傳教幡十告止幡十信幡十龍頭竿十豹
尾四儀鎗斃二十戈斃二十戟斃二十單戟六龍戟六
班劍六吾杖六立瓜六臥瓜六儀刀六金鐙六金鉞六
骨朶六羽葆幢十青龍幢一白虎幢一朱雀幢一玄武

幢一響節二十四金節六方天戟二十四鳴鞭四金馬
杌一金交椅一金脚踏一金水盆一金水罐一金香爐
一金香合一金唾盂一金唾壺一拂子四紅紗燈籠十
二紅油紙燈籠六鮫燈六紫羅素方傘四紅羅素方傘
四紅羅直柄華蓋繡傘四紅羅曲柄繡傘四黃羅直柄
繡傘四紅羅直柄繡傘四黃羅曲柄繡傘二青羅銷金
傘三紅羅銷金傘三黃羅銷金傘三白羅銷金傘三黑
羅銷金傘三黃油絹銷金雨傘一紅羅繡花扇十二紅羅

繡雉方扇十二紅羅單龍扇十黃羅單龍扇十紅羅雙
龍扇二十黃羅雙龍扇二十紅羅素扇二十黃羅素扇
二十壽扇二黃羅銷金九龍傘一黃羅曲柄繡九龍傘
一仗馬六硃紅馬杌四鞍籠二金銅玲瓏香爐一寶匣
一板轎一步輦一大涼步輦一大馬輦一小馬輦一玉
輅一大輅一黃帳房一宣宗宣德元年增定鹵簿儀仗
有具服幄殿一座金交椅一金脚踏一金水盆一金水
罐一金馬杌一鞍籠一金香爐一金香合一金唾盃一

金唾壺一御杖二擺錫明甲一百副盔一百弓一百箭
三千刀一百其執事校尉每人鶩帽積遜衣銅帶鞞履
鞋一副凡常日奉天門早朝則設丹陛駕於午門外及
金水橋南祇用單龍戟六雙龍戟六班劍六吾杖六儀
刀六立瓜六臥瓜六鏗杖六金鉞六骨朶六單龍扇二
十雙龍扇二十黃蓋繖二黃曲柄繖二五方繖五鳴鞭
四弓矢五十副明制鹵簿儀仗前後增置詳略不同而
旌旗之制亦遞有更定焉肅旗黃質上濶七尺二寸下

三尺二寸黑字硃漆攢竹竿長八尺二寸下有鐵攢靖
旗制與肅旗同但用靖字金鼓旗黃質濶一丈二尺五
寸下七尺紅金鼓二字硃漆攢竹竿長一丈四尺九寸
內貼金木鎗頭長一尺五寸八分上節紅纓下有鐵攢
金龍畫角木質黑漆金為飾上節寶相花中節躔身單
龍雲文下節八寶雙海馬鼓四十八木匡加紅油冒以
革面徑一尺七寸匡畫寶相花面畫雙獅綵毬金四以
銅為之徑一尺七寸金鉦四銅質竹匡用紅纓繫鉦於

匡鉦徑九寸五分杖鼓四木匡細腰匡兩頭加黑漆戩
金雲龍文鐵圈二皆冒以革附於匡聯以紅絨綆加銅
龍頭鈎子以青絨匾條懸之笛四截竹為之六竅長一
尺六寸板四鐵刀木板各六貫以青綵組各長一尺一
寸上濶一寸九分下濶二寸五分白澤旗二一紅質四
旁加黃欄赤火燄間綵脚傍竿加紅腰綵織白澤飛狀
及雲文旗上有素額織白澤二青字旗身黃欄火燄長
六尺六寸廣二尺九寸揭以硃漆攢竹竿長一丈三尺六

寸九分內貼金木鎗頭長一尺三寸五分飾以紅纓攢
用鐵一青質但織白澤為走狀餘同前制凡繡旗欄脚
腰額并字色竿纓攢制皆同惟黃旗北斗旗稍異門旗
紅質中織金為門字餘同白澤制黃旗四十黃質上廣
八尺下四尺硃漆攢竹竿長一丈一尺三寸五分內貼
金木鎗頭長一尺三寸五分上飾紅纓下有鐵攢金龍
旗十二青質織金雲龍文額織龍旗二字日旗青質織
為日紅色及日字月旗青質織為月白色及月字風旗

青質織箕星四及風字雲旗青質織五色雲文及雲字
雷旗青質織雷文五及雷字雨旗青質織畢星八附耳
一星在旁及雨字木星旗青質織木星一及木字火星
旗赤質織火星一及火字土星旗黃質織土星一及土
字金星旗白質織金星一及金字水星旗黑質織水星
一及水字角宿旗青質織角宿二及角字亢宿旗青質
織亢宿四及亢字氐宿旗青質織氐宿四及氐字房宿
旗青質織房宿四鈎連二小星在旁及房字心宿旗青

質織心宿三及心字尾宿旗青質織尾宿九神容小星
一及尾字箕宿旗青質織箕宿四及箕字斗宿旗青質
織斗宿六及斗字牛宿旗青質織牛宿六及牛字女宿
旗青質織女宿四及女字虛宿旗青質織虛宿二及虛
字危宿旗青質織危宿三及危字又四星在下室宿旗
青質織室宿二及室字又六星在旁壁宿旗青質織壁
宿二及壁字奎宿旗青質織奎宿十六及奎字婁宿旗
青質織婁宿三及婁字胃宿旗青質織胃宿三及胃字

昂宿旗青質織昂宿七及昂字畢宿旗青質織畢宿八
及畢字附耳一星在旁觜宿旗青質織觜宿三及觜字
參宿旗青質織參宿七及參字又四小星在左足下三
星在內井宿旗青質織井宿八及井字又一星在旁鬼
宿旗青質織鬼宿四及鬼字柳宿旗青質織柳宿八及
柳字星宿旗青質織星宿七及星字張宿旗青質織張
宿六及張字翼宿旗青質織翼宿二十二及翼字軫宿旗
青質織軫宿四及軫字又一星在中左右二星在旁北

斗旗黑質黃襴黑腰火燄間綵脚織北斗星七及北斗
二字又一星在旁東嶽旗青質織綵為山形及東嶽二
字南嶽旗赤質織山形及南嶽二字中嶽旗黃質織山
形及中嶽二字西嶽旗白質織山形及西嶽二字北嶽
旗黑質織山形及北嶽二字江旗赤質織水文及江字
河旗白質織水文及河字淮旗青質織水文及淮字濟
旗黑質織水文及濟字青龍旗青質織青龍形雲文及
青龍二字白虎旗白質織白虎形雲文及白虎二字朱

雀旗赤質織朱雀形雲文及朱雀二字玄武旗黑質織
龜蛇形雲水文及玄武二字天鹿旗赤質織天鹿形雲
文及天鹿二字天馬旗赤質織天馬形雲文及天馬二
字鸞旗赤質織鸞形雲文及鸞字麟旗赤質織麟形雲
文及麟字熊旗赤質織熊形雲文及熊字羆旗赤質織
羆形雲文及羆字紅纛朱竹竿長一丈三尺九寸用犛
牛尾染紅簇為纛上施抹金銀寶蓋周圍瓷珠絡建於
竿下有鐵攢皂纛與紅纛制同但用黑犛牛尾抹金銅

寶蓋紅節朱竹竿抹金銀寶珠頭用犛牛尾染紅簇成
如圓斗大凡四層每層上施抹金銀頂周圍綴瓷珠絡
建於竿下有鐵攢竿長同紅纛黃麾朱竹竿長一丈二
尺五寸內龍頭鈎一尺銜抹金銅圈懸抹金銅頂四角
紅羅寶蓋高七寸五分圍二尺七寸五分周以綠羅腰
黃羅三簷銷金雲龍文中垂大紅羅幡長六尺三寸廣
五寸五分幡上節綵繡荷葉蓋蓮花座其中青羅額金
書黃麾二字中節描金雙升龍下節描金雲日文幡下

綴五色橫板絳引幡十制同黃麾但用五色羅為幡不加金繡三簷用紫無額并字傳教幡十制同黃麾但額用黃羅繡青傳教二字中描金升降雲龍無下節雲日三簷用綠羅頭銜銅佩四銅鈴三十二其銅佩俱抹金告止幡十制同黃麾但額用黃羅繡青告止二字描金升降鸞鳳雲文三簷用青銅佩鈴如傳教之數信幡十制同黃麾但用黃羅額繡青信字描金升降雲龍與傳教同但三簷用黃羅銅佩鈴如傳教之數

欽定續通志

欽定續通志

三十一

欽定續通志卷一百二十六

欽定四庫全書

史部

欽定續通志卷一百二十七

九七至

通政使司副使臣施朝幹覆勘

總校官原任侍講臣王燕緒

欽定四庫全書

欽定續通志卷一百二十七

樂畧

臣等謹案鄭樵之志樂畧欲以繼三百篇凡分類有四曰正聲曰遺聲曰祀饗正聲曰祀饗別聲而文武二舞附焉其上下古今別裁雅鄭實能得樂府之要千載以下迹其源以別其流莫不賅而舉之然世代屢更大畧相因不無損益之異且當每

朝草創之初雅音殘缺及乎搜羅訂定往往古制弗詳新聲間起則變革之勢有不期然而然者是則非鄭志所能該矣茲謹條其流別發明前後所以不盡合者於左鏡歌源出漢世用之軍中戰勝之事何代無之然自元以還鏡歌獨為衰息雜舞曲隨世異名統系則一唐後傳者寥如橫吹本畫角遺聲其後用以導法駕出入至宋遂指事為名則實之漸漓故法從而變也相和歌乃里巷之風

自隋文帝悅清商三調歌曲遂寢熾於宮庭迨後
一變而為唐之供奉諸篇再變而為宋之排當雜
類則所謂清商者亦漸漓其正雖其音節具有師
承究之蔓延且無區別故降及元而雜劇大盛雅
俗混淆不可復錄以登斯志矣樂者以聲為主是
以古者或有聲而無詞雜劇固不能改唐宋以來
之舊而獨創為新聲徒倚繁亂不一之歌而強以
合調則又不如排當以前之失次猶未為已甚也

隋唐有西涼八部其後遠方之聲更無部籍則隨其流傳可紀者著而存之鄭志所錄琴操不尚事詞未免偏而弗舉宜補其遺而凡近世之絲桐雅調皆可附益其有詞而未嘗譜者弗列也至於遺聲悉仍舊類因其繁多畧為抉擇不使備數過於正音仍鄭例也祀饗之樂自漢以後往往有詩歌而無篇目鄭志謂既無偉績之可陳又無題命之可紀故獨取梁之十二雅唐之十二和唐世樂章

二百而樵以十二和括之者蓋凡饗祀不過天神地祇宗廟三類足以盡其畧而當時大小祀亦各以其類不立異名間或稍有更張總非常制且十二之數咸從月律雖有新名不易故調故得以大包小以常統變而非直缺畧之也洎宋迄元舊法寢湮繁名各出然其義類猶秩然不替尚可次第但改作既多徒取其十二曲亦不免因噎廢食之譏宜依彼類悉登附記俾部居井然而損益源流

亦藉以考見至於前明乃從編注之例因其無復古法隨事立名以類求之轉多柄鑿禮貴從宜樂豈有異哉別聲一類各從時制先後不必相符合中之歌至隋而絕聞喜諸樂蓋漢所無有雲韶鈞容直送無坐立二部有教坊雜劇調遂無法曲清聲舞在廟中者各室分殊別文武者隨世變易鄭志錄文武之舞而廢廟室之舞謂其紛然出於私意不足紀而傳之亦一偏之論也茲悉列入以補

其闕凡所採輯與鄭志異同如此

正聲序論

臣等謹案鄭樵之序正聲其意識漢儒不識風雅
頌之別而徒以義論詩故凡所列自鏡歌迄琴曲
皆風雅遺音而郊廟樂篇返居其後者蓋謂積風
而雅積雅而頌其次第宜如是也然鏡歌雅也而
首及之則其立例與其樹論不盡相符但今續其
書無容更張宜辨而仍之至如因時變革前有後

無則當考厥源流以從彼類損者缺之益者增之
不可復一一以求合矣

唐饒歌四曲

破陣樂

應聖期

賀朝歡

君臣同慶樂

臣等謹案唐制命將征伐有大功獻俘馘者其日
備神策兵衛於東門外如常儀其凱歌用饒吹二
部樂工等次第陳列如鹵簿之式鼓吹令丞前導
分行於兵馬俘馘之前將入都門鼓吹振作迭奏

破陣樂應聖期賀朝歡君臣同慶樂四曲行至大
社及太廟門又徧奏四曲案柳宗元集有表進鼓
吹鏡歌十二曲一曰晉陽武二曰獸之窮三曰戰
武牢四曰涇水黃五曰奔鯨沛六曰苞枿七曰河
右平八曰鐵山碎九曰靖本邦十曰吐谷渾十一
曰高昌十二曰東蠻當時未見施行附錄於此

宋鏡歌十四曲

上帝命

言宋受命也

河之表

言平上黨也

淮海清

言定維揚也

沅之上

言取湖
南也

皇威暢

言得荆
州也

蜀土邃

言取
蜀也

時雨霈

言取廣
南也

望

鍾山

言下江
南也

大哉仁

言吳越
獻國也

謳歌歸

言漳泉
獻土也

伐功繼

言

河東
也

帝臨墉

言征澶
湖也

維四葉

美仁
治也

炎精復

歌中
興也

臣等謹案右曲寧宗時姜夔所上詔付太常者又

尹洙撰進皇雅十篇亦未見施行且其體製不盡

與鏡歌合故無足採

臣等又案鏡歌盛於漢晉迨隋唐之世其歌曲傳

者視前代不及十之二三宋時鏡歌尚有可紀自

是而後蓋寥如矣考元末陳友諒據龍興平章阿
哩袞實克僉憲察吉合兵破之江右諸郡款附功
成有龍興平之曲又有銀章復之曲銀章復者因
龍興始陷憲史劉夔懷印埋土中土生瑞木一本
察吉購得之施諸移文遂以恢復故名但此二曲
皆詞臣擬作之篇當時未必錄用是亦柳宗元尹
洙撰進之屬不得與施行者比姑附記於此以存
之若前明一代鏡歌則自正史會典諸書以迨著

作家皆未嘗及也

晉擊舞曲一

晉世寧

臣等謹案擊舞漢時遺法右晉太康中曲也宋改
為宋世寧齊改為齊代昌唐仍謂之擊舞鮑昭詩
云七擊起長袖即此

唐上元舞曲十二

上元 二儀 三才 四時 五行 六律 七政

八風 九宮 十洲 得一 慶雲

臣等謹案右曲高宗所作諸大享祀並奏之肅宗上元三年詔惟園丘方澤太廟乃用餘皆罷

唐軟舞曲十

垂手羅 迴波樂 蘭陵王 春鶯囀 半社渠 借

席烏夜啼 蘇合香 掘柘枝 團亂旋 甘州

唐健舞曲十

阿遼 柘枝 黃獐 拂林 太渭州 達磨支 大

杆阿連 劍器 胡旋 胡騰

隋唐鼓角橫吹十七曲

企喻歌 瑯邪王歌 鉅鹿公主歌 黃淡思 地驅

樂 雀勞利 慕容垂歌 隔谷 淳于王歌 東平

劉生歌 捉搦 幽州馬客歌 高陽樂人歌 雍臺

吐谷渾 部落稽 白淨王

臣等謹案鄭樵載鼓角橫吹止十五曲然梁時有七十七曲散軼大半其存者二十一曲隋以後以

橫吹用之鹵簿與鼓吹列為四部並以供大駕及
皇太子王公等一曰柶鼓部二曰鏡鼓部三曰大
橫吹部四曰小橫吹部是鼓角橫吹至隋尚有此
數而鄭志不皆列入則搜之不廣也茲謹取二十
一曲去其與志重複之篇存十四曲又案唐承隋
後存有五十三曲然其名可解者六章而已其曰
慕容汗曰鉅鹿公主曰太子企喻三曲猶十四曲
之舊曰吐谷渾曰部落稽曰白淨王三曲則隋世

所增也茲取以附十四曲後焉

宋鼓吹十曲

臣等謹案自漢迄唐鼓角橫吹本於邊徼所傳而用以為出入警嚴之節蓋取其聲之激越震厲多仍其舊曲間或依倣彼調別譜新詞然所述皆北方之事也宋時舊曲失傳于是鼓吹一部所奏曲命名乃大遠古意角聲之變革自此始矣

導引 六州 十二時

臣等謹案右三曲宋初舊制凡大祭祀及法駕出入用以警嚴迨仁宗景祐以後每有增益大抵隨事立名與三曲相間迭奏通十曲

奉禋歌

臣等謹案仁宗景祐二年郊祀李照等於導引三曲外別撰警嚴曲請名振容帝以其義無取改曰奉禋其後太廟祫享親耕藉田亦用之

降仙臺

臣等謹案神宗熙寧十年南郊皇帝歸青城奏導
引曲名降仙臺罷六州十二時曲迨建炎迄紹熙
承景祐熙寧之後郊祀奏導引三曲已仍並奏奉
禋歌降仙臺二曲亦不忘祖制之意爾

合宮歌

臣等謹案明堂大享以黃鐘宮奏導引等曲仍增
合宮歌

柎陵歌 虞主歌

臣等謹案神宗元豐二年慈聖光獻皇后發引奏
導引等曲後增柎陵歌虞主回京奏導引等曲後

增虞主歌

永裕陵歌 虞神歌

臣等謹案神宗元豐八年神宗靈駕發引奏導引
等曲後增永裕陵歌虞主回京奏導引等曲後增

虞神歌

遼鼓吹前後部

臣等謹案遼樂散佚當世有前後鼓吹二部今僅傳其器而已至其曲名則不可復考矣或者有聲

無辭

金鼓吹二曲

導引 采茨

臣等謹案金世鼓吹惟導引采茨二曲通行

明鼓吹一曲

武成

臣等謹案明會典有大樂鼓吹而不載曲詞故名至今缺軼惟穆宗隆慶三年大閱禮成奏武成之曲隸鼓吹部此為僅存可採者

臣等又案鄭志於鼓吹後列相和歌大抵皆漢魏六朝之篇蓋以系聲樂府實濫觴於是也其間有後人擬前人所作如匪新題則槩不入錄其意主聲而不主詞故第紀其篇名所自而隋唐以後名作雖多亦闕如馬近世所傳相和歌悉擬前題而

里巷謳吟又往往不叶於雅調固不得濫取而續之也惟遼金本俗之相和歌乃從古所未嘗有學士大夫因其非所熟習擬作者希然當世做做流傳其聲者宜亦不少茲謹著而存之

遼相和歌一曲

踏鉦

臣等謹案鄭志云相和歌者街陌謳謠之詞遼渤海俗每歲時聚會先命善歌舞者數輩前行士女

追逐更相唱和回旋宛轉名曰踏鉦與相和歌合
金相和歌一曲

鷓鴣

臣等謹案大金國志云鷓鴣曲歌聲高下長短如
鷓鴣之聲亦相和歌也

臣等又案鄭樵於相和歌之後備列清商及西涼
等八部蓋隋唐之際其聲音有倫者盡在是矣至
玄宗天寶中諸部漸非其舊當時供奉靡曼新詞

若梨園宜春院及小部所習雅俗無別惟樂署所
掌舊樂間易新名然猶清商等部之餘音遺韻也
但一經改草清亂部居清商遂鮮專調而西涼等
曲傳者亦復寥寥更無統紀宋承其後愈趨愈下
朝廷製作之外悉隸教坊其流至使教坊掌大晟
雅樂教坊既盛於是淫哇鄙俚之聲滿天下矣朝
廷所用排當樂曲大遠雅音第猶彼善于此至是
而欲求清商難已茲謹依鄭志序列清商之次錄

唐樂署供奉二百二十六曲宋教坊排當九十六曲自元迄明變為雜劇其名以千數殊非大雅則緊從其闕云於後又列累朝遠方之樂以繼西涼八部絕響庶幾因草源流粲然如指諸掌蓋清商之不可以上追風雅而雜劇之不可復為清商亦必然之勢也

唐樂署供奉二百二十六曲

金華洞真

舊名龜茲佛曲

歸聖曲

舊名因度玉

承天樂

順天

景

雲 君臣相遇 九真 九仙 天冊 永昌樂 永

代樂 慶雲樂 冬樂 長壽樂 紫極 萬國歡

封禪 曜日光 舍佛兒 欽明引舊名胡歌 燕山騎舊名河東

婆寶倫光舊名俱倫僕 紫雲騰舊名色俱騰 歸真火羅舊名摩醯首羅 白

蛤鹽舊名鶴 合浦明珠舊名羅剎未羅 無疆壽 玉京春舊名蘇莫

刺元昭慶舊名阿箇盤陀 急金華洞真舊名急龜茲佛曲 萬宇清舊名蘇莫

遮舞仙鶴 仙雲昇舊名乞婆漢 案以上沙陀調三十三曲即太簇宮調也

破陣樂 大定樂 英雄樂 歡心樂 山香樂 年

年樂 武成昇平樂 興明樂 黃驄騮 人天雲

卷白雲 遼帝釋 九野舊名婆娑 泛金波舊名優婆師 高唐

雲舊名半射渠沮 慶惟新舊名半射沒 司晨寶雞舊名耶婆色雞 神鵲鹽舊名

野鵲 布春陽舊名捺利梵 懷思引舊名蘇禪師胡歌 萬歲樂案以上大食調

二十一曲即 太簇商調也

太和萬壽樂 天統九勝樂 元妃 真元妃 急元

妃 太監女采樂 真女采樂 山水白鵲 芳桂林

舊名即 大仙都舊名移師都 躍泉魚舊名借渠沙魚 日重輪舊名俱倫朗

未央年

舊名蘇刺耶

芳林苑

舊名叱鉢羅

泛蘭叢

舊名達摩支

瓊臺花

舊名悉爾都

春楊柳

天禽寶引

寶廷引

舊名蘇刺耶胡歌案以上般

涉調十九曲即太簇羽調也

大同樂

六合來庭

安平樂

戎服來賓

安公子

紅藍花

案以上太簇角調六曲

道曲

垂拱樂

萬國歡

九仙步虛

飛仙

景雲

欽明引

玉京

寶輪光

曜日光

紫雲騰

神

仙

舊名山剛

舞鹽

舊名急火鳳調十三曲即林鐘宮調也

案以上道

天地大寶 迎天歡心樂 太平樂 破陣樂 五更

轉 聖明樂 卷白雲 凌波神 九成樂 汎龍舟

月殿 蟬曲 英雄樂 山香 會羅仙 迎祥

翊聖 司晨寶雞 九野歡 來賓引 舊名訖陵加胡歌 儀鳳

舊名胡殘 升朝陽 舊名蘇羅家 芳苑墟 舊名須婆栗特 北戎還淳 舊名撥雖背陵

金風 舊名金波借席 慶淳風 舊名厥磨賊 慶維新 案以上小食調二十七曲即林鐘商

調也

火鳳 真火鳳 急火鳳 舞媚娘 長命 西河

三臺 監行天 濮陽女 神白馬 春楊柳 長歡

舊名 玉關引 舊名 支 因地利 大仙都 春臺 祥雲

飛 舊名 東 文明 塞塵清 舊名 新造勝蠻奴 案 以上

紅藍花 綠沈盃 赤白桃李花 大白紵 堂堂

十二時 荷來蘇 舊名 天下兵 案 以

大封山樂 案 以上黃鐘宮調一曲

破陣樂 天授樂 無為傾盃樂 文武九華 急九

華 大疊瑞蟬曲 北維歸淳 慶淳風 蘭山吹 舊名

多迴 杜蘭鳥

天長寶壽

舊名老壽

春鶯轉吹

急蘭山

來寶引

舊名高麗

靜邊引

舊名耶婆地胡歌

霓裳羽衣

舊名婆羅門

思歸

金方

引

舊名達牟雞胡歌

昇朝陽

三輔安

舊名三部羅越調十九曲即黃鐘商

調也

火鳳

急火鳳

春楊柳

飛仙

大仙都

天統

思歸

祠洞靈章

舊名達菩提兒

明鳳樂

真明鳳

阿藍堆

濮陽女

舊名百舌鳥案以上黃鐘羽調十二曲

破陣樂

太平樂

傾盃樂

大輔樂

迎天樂

蟬

曲 山香 月殿 天長寶壽 舊名大百 歲老壽 五更轉 同

昌還城樂 慶惟新 金風 汎金波 司晨寶雞

金方引

紫府洞真

舊名俱 摩尼佛

神雀鹽

北

維歸淳

案以 上雙

調十九曲即 中呂商調也

破陣樂

九野歡

汎金波

凌波神

昇朝陽

蘇

莫遮

歡心樂

蟬曲

來賓引

天地大寶

五更

轉

案以上水調十一 曲即南呂商調也

感皇恩

舊名蘇 莫遮

流水芳菲

舊名婆如兒 案 以上金風調二曲

上雲曲 自然真仙曲 明一曲 難思曲 平珠曲

無為曲 有道曲 調元曲 立政曲 獻壽曲

高明曲 聞大曲 儀鳳曲 同和曲 閑雅曲 多

稼曲

金鏡曲

案以上十七
曲不詳何調

宋教坊排當九十六曲

長生樂引子 蕙蘭芳引子 喜新春慢 曲犯 喜

慶曲 萬壽無疆 薄媚曲破 齊天樂曲破 老人

星 降黃龍曲破 碎錦梁州歌頭 萬壽興隆樂法

曲 六么

梅花伊州

案以上諸部
合十四曲

玉漏遲慢

雁穿柳

聖壽永歌曲子

獻仙音

賣

花聲

簾外花

合小
唱

舞揚花

合小
唱

金蓮倒垂

萬壽永

無疆引子

聖壽齊天樂慢

永遇樂慢

賞仙花慢

柳初新慢

上苑春引子

萬歲

梁州曲破

聖

壽永歌曲子

慶芳春慢

慶簫韶慢

萬花新曲破

案以上獻粟
起二十曲

側犯 真珠髻

芳草渡

魚水同歡

花犯

帝壽

昌慢 壽南山慢 上苑春慢 降聖樂慢 延壽慢

案以上笛
起十曲

傾盃樂

憶吹簫

捧瑤卮慢

案以上琵琶
起三曲

壽南山

吳音子

昇平樂慢

戀春光慢

慶壽樂

慢

月明起花燈慢

託嬌鶯慢

案以上笙
起七曲

出牆花慢

月中仙慢

案以上箏
起二曲

縷金蟬慢

案以上簫
起一曲

安平樂

萬方寧慢

碧牡丹慢

堯階樂

進聖花

玉京春慢

案以上方
響起六曲

花梢月慢

壽爐香慢

案以上
琴起二曲

筵前保壽樂

案以上
獨吹一曲

慶千秋

案以上
獨吹一曲

壽千秋

無疆壽

會羣仙

壽齊天

慶成功

九

曲清鳳來儀

蕊宮春

連理枝

朝天樂

奉宸

歡賀昌時

寰海清

玉芙蓉

泛仙槎

帝臺春

宴蓬萊

美時清

壽星見

案以上
獨彈十九曲

福壽永康寧

案以上玉軸琵琶獨彈一曲

長生寶宴樂

壽長春

案以上笙獨吹二曲

會羣仙

聚仙歡

案以上箏獨彈二曲

玉簫聲

柳初春

案以上簫獨吹二曲

惜春

案以上方響玉獨打一曲

聖壽永

案以上玉方響獨打一曲

纏令神曲

案以上箏琶方響合一曲

唐南詔樂曲一

奉聖樂

臣等謹案右曲德宗貞元中南詔異牟尋因西川
押雲南八國使韋臯以獻者其後驃國亦獻國樂
臯復譜次其聲凡十二曲多演釋氏之詞案唐會
要遠方樂有十四國曰高麗曰百濟曰扶南曰天
竺曰南詔曰驃國曰高昌曰龜茲曰疏勒曰康國
曰安國曰鮮卑曰吐谷渾曰部落稽外又有文康
禮畢及高昌聖明曲但自隋時已有之蓋罷黜不

在九部之列毋庸續載其諸國樂名在列九部後者並皆缺軼失傳惟南詔所獻尚存一曲故特錄之

宋龜茲樂曲二

宇宙清 感皇恩

宋牂牁曲一

水曲

臣等謹案太宗至道元年牂牁王龍漢瓊遣使來

貢太宗召見今作本國歌舞一人吹瓢笙如蚊蚋
聲良久數十輩連袂宛轉而舞以足頓地為節詢
其曲名曰水曲自是遂流傳中國云

元達樂曲二十八

哈巴爾圖 昆 伊克達袞 輝和爾 莽古爾 齊

特庫爾 巴爾斯托羅海 錫錫卜 額埒蘇 蒙古

額埒蘇 實勒坦額埒蘇 阿雅勒古 僧格袞卜丹

達爾罕 庫濟巴克實 阿爾斯蘭哲伯 額哩訥

哈哩古寶哈齊 棟丹巴 綽勒們 濟古爾 彭楚

克鄂烏爾 巴勒丹格卜實 錫里森 瑪哈 相公

仙鶴 阿勒坦綏克

元回回曲三

伉里 馬黑某當當 清泉當當

琴操七十六曲

龍蛇歌

介子推所作也晉文公反國賞從亡者未及介子推子推乃作龍蛇之歌亡入縣上或云從者

所作一名士失志操

獻玉退怨歌

卞和所作也和得璞玉以獻楚懷王王使樂正子占之言石王

以為欺謾斬其一足懷王死子平王立和復獻之又以
為欺斬其一足平王死子立為荆王欲獻之恐復見害
乃抱玉而哭王使剖之果得玉封窮劫之曲楚樂師扈
非子所作

也荆王信讒佞殺伍奢伯州犁而冠不絕於境又昭王
困迫幾為天下笑扈子乃援琴為楚作窮劫之曲昭王

間之垂涕扈子遂不復鼓偕隱歌牧犢子與妻
偕隱所作也渡易水歌荆軻所作
燕太子丹

使荆軻刺秦王太子及賓客白衣冠以送之至易水上
高漸離擊筑軻和而歌為慶徵之聲士皆垂淚復為羽

聲士皆瞋目髮盡上指垓下歌亦名力拔山
操項羽所作也漢高

于是起飲帳中悲歌慷慨泣大風歌漢高祖所作也高
數行下遂上馬潰圍南出大風歌祖既定天下還過

沛置酒召故人父老子弟發沛中兒得百二采芝操亦
十人教之歌酒酣帝擊筑自歌令羣兒皆和

紫芝歌四皓所作也四皓並為秦博士遣世坑黜儒
術於是退而作此歌共入商洛隱居地肺山不出 八

公操

淮南王安所作也王好道書及方術之士有八公
詣門鬚眉皓白授王丹經及三十六水方王乃授

琴歌其事亦
名淮南操

於忽操

龐德公
所作也

楚明妃曲

湯惠休所作也
或云惟嵇康能

為此曲以後傳
習數人而已

臣等謹案鄭樵於正聲中錄琴操五十七曲其說

曰琴操所言本無其事但善音之人欲寫其幽懷

隱思故取古人悲憂不遇之事以命操君子之於

琴瑟取其聲而已不尚事詞也此論深明古人寄

託指意然有不盡然者琴操所傳其中往往有秦漢以來有是曲即有是事之篇凡皆陶寫性情自述境遇與依附命名暢所欲言發者其致一耳茲謹採其志中所未及者以續九引十二操之後至雜曲三十六一類則取琴譜諸篇以附之別錄於此

魯風 洞天春曉 陽春 梅花三弄 梧桐夜雨

和陽春 流水 修楔吟 雙鶴聽泉 梧葉舞秋風

鷗鷺忘機 圮橋進履 墨子悲絲 清夜聞鐘

琴書樂道

桃源吟

靜觀吟

風雷引

秋江夜泊

釋談章

谿山秋月

列子御風

松下觀泉

泉一作濤

養生主

蒼梧怨

塞上鴻

樵歌

漁歌

耕歌

牧歌

醉漁唱曉

關雎

蘇門嘯

山居吟

洞庭

秋思

鴈過衡陽

宋玉悲秋

禹會塗山

佩蘭

漢宮秋月

滄江夜雨

鶴舞洞天

春睡吟

羽化

登仙

神化曲

莊周夢蝴蝶

平沙落鴈

大雅

挾仙遊

六合遊

瀟湘水雲

欵乃歌

搔首問天

離騷 秋鴻 飛龍引 秋風引 明月引 綠竹

引 龍宮操 昇仙操 飛鳶操 霍將軍 幽澗泉

山人勸酒

臣等謹案右雜曲皆被諸絲桐者凡後人擬作新
詞緊不採入從鄭志例也

遺聲序論

臣等謹案鄭樵云遺聲者逸詩之流也蓋以逸詩
喻新題樂府之未嘗被管絃者欲俟後人之取而

譜之故曰遺聲茲謹錄唐以後新題樂府以續之
其名不雅馴者皆棄不取若古調一門宜從闕焉

征戍

將帥

城塞

校獵附

苦戰行 兵車行 仗劍行 邊詞 平戎詞 河塞

子 征南謠 平南謠 征夫詞 蓋將軍歌 趙將

軍歌 勒將軍歌 魏將軍歌 塞垣行 大漠行

合肥戰 封刀行 血鏃行 遇敵即倒戈 金山捷

昆陽戰 河陽戰 崑崙戰 免胄行 獵城南

鐫羌歸來乎

遊俠

并州少年行 義俠行 解劍行 枕劍行 黃金行

千金贈

行樂

登樓歌 湖上對酒行 餘杭醉歌行 春遊曲 被

襖曲 夜遊曲 遊春詞 無愁可解

佳麗

章華美人歌 戚夫人歌 鄭櫻桃歌 靜女歌 美

人舞歌 洛陽女兒行 虢國夫人詞 飛燕篇 盧

姬篇 綠珠篇 浣紗篇 玉人歌 玉女搖仙佩

烈婦行 續小娘歌 楚國兩賢婦 楚妃曲 虞美

人行 眉嫵詞 唐姬飲酒歌 安樂公主畫眉歌

喬家妾 銀瓶女 巴陵女 高涼洗 金溪孝女歌

皂羅特 眉峯碧 月邊嬌 繡停針 綺羅香

別離 迎客附

臨路歌 北上行 懷哉行 惜別行 離會曲 新

婚別 垂老別 無家別 離別難 歸去難 望遠

行 憶舊遊 望雲涯引 送我入門來 西遊曲

留客住 望歸吟

怨思

靜夜思 哀王孫 哀江頭 悲青坂 悲陳陶 征

婦詞 蕃女怨 遐方怨 望江怨 傷春怨 思越

人 思遠人 怨王孫 織婦怨 長門怨 明妃怨

數奇嘆 征婦詞 歸母怨 永貞嘆 濟陽怨

南風嘆 歸舟怨 芳華怨

歌舞

踏歌詞

絲竹

月下笛 斷絃曲

觴酌

荷葉杯 上行杯 尉遲杯 鳳銜杯 月底王頭飲

麗歌 後庭宴 壽春宴 山亭宴

宮苑

樓臺

門闕附

輪臺歌 梁園歌 樂遊苑歌 幽州臺歌 越王臺

歌 殿前曲 魏宮詞 楚宮詞 長信詞 梁園吟

天門謠 翠樓吟 叢臺歌 天門引 隋故宮行

西樓曲 鳳池吟 齊雲樓 金臺篇 懸瓠城歌

都邑

金陵曲 榆林郡歌 營州歌 金陵歌 襄陽歌

夔州歌 夷門歌 青門歌 南都行 江夏行 長

安曲 甘州詞 涼州詞 帝京篇 憶江南 又名夢江南

又名望江南 又名望江梅 又名江南好 又名夢江口 又名歸塞北 又名春去也 又名謝秋娘

憶帝京 熙州行 燉煌後庭歌 邯鄲客舍歌 薊

門行 古大梁行 雲中行 灞陵行 丹陽行 春

陵行 新豐行

道路

函關歌 勞勞亭歌 隴上行 南州行 光祿坂行

沙苑行 淮亭吟 陳橋行 長樂坂 宜陽行

馬嵬曲 築長堤 九折坂

時景

明月歌 峩嶠月歌 白雲歌 火山雲歌 白雪歌

天山雪歌 春旦歌 三月歌 日出入行 歲晏

行 上元詞 春詞 春臺引 瑞雪篇 明河篇

七夕曝衣篇 慶雲章 月下吟 夏日嘆 秋雨嘆

冉冉雲 望雲謠 甘露行 梅子黃時雨 春從

天上來 吳中曉寒曲

人生

長生樂 十年調

人物

皇媧補天謠 伯仁怨 申生怨 平原君 春申君

文信侯 漂母詞 聶政篇 田橫客 淮陰嘆

茂陵徐生歌 鍾進士歌 高陽酒徒 一網謠 岳

王行 唐孔目 淮南刺客詞 腕可斷 顏太師

姚家有牙將 石忠烈 韓宣慰 安石工 花將軍

晉州男子

神仙 隱逸 漁父附

道君曲 聖郎曲 金丹曲 王母歌 玉真主歌

玉華仙子歌 薛仙子謠 石湖仙 赤松詞 壺山

處士歌 逸人歌 白毫子歌 徐無山人歌 華山

隱者歌 荆臺隱士 白衣老人 青巖山人 漁父

歌

蕃調

優鉢羅花歌 婆羅門引 婆羅門令 金浮圖 紇

那曲 羅噴曲 鮮卑兒 穆護沙 番槍子

山水 登臨 汎渡附

嵩山天門歌 小山歌 西嶽雲臺歌 閬山歌 望

終南山歌 夜歸鹿門歌 下山歌 歸山歌 溫泉

歌 敷水歌 閬水歌 河上歌 秋浦歌 嚴氏溪

歌 赤壁歌 甘泉歌 燕支行 熱海行 走馬川

行 清溪行 漢陂行 湖南曲 湘川曲 橫江詞

龍池篇 夢遊天姥吟 江上吟 廬山謠 巫山

一段雲 越江吟 江月晃重山 芳草渡 清波引

渡江雲 飛雪滿羣山 廬山高 于湖曲 驪山

歌 金山行 湖上曲 湘中詠 後于湖曲 冰山

火笑詞 慕願津 易水行 澶淵行 漸臺水 白

馬河 舶上謠

草木 採種 花葉附

官渡柳歌

黃臺瓜詞

落花嘆

荔枝嘆

蓮根有

長絲

勿去草

渚蓮怨

結楊柳怨絲
商山芝

梓

樹生枝葉

黃花詞

伐棘篇

車馬

引駕行

車簇簇行

天育驃騎歌

赤驃馬歌

龍魚

蟲豸附

蛟龍引

井底蛙

鳥獸

義鷓行 杜鷓行 白鳧行 火鳳詞 鸚鵡猫兒篇

黃雀癡 黃麋歌 黃特謠 野雉詞 怒虎行

黃鸝繞碧樹 換巢鸞鳳 鶴嘆 白雁行 走狗謠

鳳凰曲 鳳雛行 老鴛戀棧豆 牧羝曲 一足

夔

雜體

堂堂謠 戴竿謠

欽定續通志卷一百二十七